



Broj: 05-25-1504-1/13
Zenica, 21.01.2013.godine

Na osnovu člana 56. Zakona o organizaciji organa uprave u Federaciji BiH („Službene novine FBiH“, broj: 35/05), člana 15. Zakona o kantonalnim ministarstvima i drugim tijelima kantonalne uprave (prečišćeni tekst) ("Službene novine Zeničko-dobojskog kantona", broj: 13/08), člana 178. Stav 2. Zakona o vodama ("Službene novine Federacije Bosne i Hercegovine", broj: 70/06), i člana 125. Zakona o vodama ("Službene novine Zeničko-dobojskog kantona“, broj: 17/07), ministar Ministarstva za poljoprivredu, šumarstvo i vodoprivredu Zeničko-dobojskog kantona donosi

ODLUKU

o kriterijima za utvrđivanje prioriternih projekata iz oblasti upravljanja vodama od općinskog značaja za program utroška sredstava vodnih naknada za 2013. godinu

Član 1.

(Predmet Odluke)

(1) Ovom Odlukom definišu se kriteriji za utvrđivanje prioriternih projekata iz oblasti upravljanja vodama od općinskog značaja za Program utroška sredstava vodnih naknada za 2013. godinu, postupak i način kandidovanja projekata od strane općina Zeničko-dobojskog kantona, uslovi za uvrštenje kandidovanih projekata.

(2) Planiranje ulaganja sredstava opće i posebnih vodnih naknada u Programu ulaganja sredstava vodnih naknada u oblast vodoprivrede za 2013. godinu u projekte od općinskog značaja vršit će se na osnovu iskazanih prioriteta od strane općina, dostavljenih na zahtjev Ministarstva za poljoprivredu, šumarstvo i vodoprivredu (u daljem tekstu: Ministarstvo), a u namjene definirane u članu 178. stav 2. Zakona o vodama ("Službene novine Federacije Bosne i Hercegovine", broj: 70/06), i u članu 125. Zakona o vodama ("Službene novine Zeničko-dobojskog kantona“, broj: 17/07).

Član 2.

(Kriteriji za rangiranje projekata)

Rangiranje prioriternih projekata za Program utroška sredstava vodnih naknada u 2013. godini koji su po Zakonu o vodama ("Službene novine Federacije Bosne i Hercegovine", broj: 70/06) i Zakonu o vodama ("Službene novine Zeničko-dobojskog kantona“, broj: 17/07) **od općinskog značaja** - zaštitne objekte, objekte za odvodnjavanje, objekte za iskorištavanje voda, te objekte za zaštitu voda od zagađivanja, kao i ostale aktivnosti vezane za poslove upravljanja vodama – izrada tehničke dokumentacije i dr, iz tačke I ove Odluke, Općina je dužna izvršiti na osnovu slijedećih kriterija:

Kriteriji	Max. bodovi
1. Projekti koji su u fazi realizacije (ranije započeti)	25
2. Projekti koje sufinansiraju donatori, kreditori ili drugi subjekti	20
3. Projekti koji postižu najveće efekte na području gdje se realizuju	30
4. Projekti koji imaju veći stepen vlastitog učešća	25

Član 3.

(Dostavljenje izvještaja o evaluaciji)

Općina je dužna provesti evaluaciju projekata iz člana 1. ove Odluke sa područja cijele općine i

Ministarstvu dostaviti dokumentaciju – zapisnik, izvještaj ili sl. o provedenoj evaluaciji sa utvrđenom bodovnom listom projekata, u skladu sa navedenim kriterijima, odnosno detaljnije razrađenim podkriterijima.

Član 4.

(Dostavljanje liste prioriternih projekata)

Uz dokumentaciju iz člana 3. ove Odluke, Općina je dužna dostaviti listu projekata koji se kandidiraju za Program ulaganja sredstava vodnih naknada u oblast vodoprivrede na području Zeničko-dobojskog kantona za 2013. godinu, po utvrđenim prioritetima.

Član 5.

(Dostavljanje obrazaca OPP)

Za svaki projekat sa liste iz člana 4. ove Odluke, općina je dužna dostaviti popunjen OPP obrazac, koji je sastavni dio ove Odluke.

Član 6.

(Uslovi za uvrštenje kandidovanih projekata)

Uslovi za uvrštavanje kandidovanih radova su urađena projektna dokumentacija, te izjava općine da su riješeni imovinsko-pravni odnosi.

Ukoliko se kandiduje izrada projekta, dostaviti ovjeren projektni zadatak.

Član 7.

(Uslovi za zaključenje ugovora o prenosu sredstava općini)

Za svaki projekat od općinskog značaja planiran Programom utroška sredstava vodnih naknada u oblast vodoprivrede na području Zeničko-dobojskog kantona za 2013. godinu, uslovi za zaključivanje ugovora o prenosu sredstava općini su donesena pravosnažna odluka o izboru najpovoljnijeg ponuđača nakon provedene procedure javne nabavke u skladu sa Zakonom o javnim nabavkama BiH i izdato rješenje o odobrenju za građenje (građevinska dozvola), ukoliko se radi o radovima.

Član 8.

(Uvrštenje projekata u Program utroška)

(1) Ministarstvo će u Program utroška sredstava vodnih naknada u oblast vodoprivrede u 2013. godini uvrstiti kandidovani projekat, odnosno projekte prema dostavljenoj listi prioriteta Općine, u skladu sa Odlukom o načinu raspodjele sredstava vodnih naknada za 2013. godinu.

(2) U slučaju manje raspoloživih sredstava od zahtjeva Općine za prioritetni projekat, sa odgovornim predstavnicima Općine utvrdit će se dio aktivnosti iz projekta koji će se finansirati iz sredstava vodnih naknada.

Član 9.

(Stupanje na snagu)

Ova Odluka stupa na snagu danom donošenja, a objaviti će se u Službenim novinama Zeničko-dobojskog kantona.

MINISTAR

Bojan Bošnjak